

159
4
132

159-132



1200901382857

悟堂詩文鈔

四

Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak


Kodak Color Control Patches

Blue Cyan Green Yellow Red Magenta White 3/Color Black




© Kodak, 2007 TM: Kodak

Table with multiple columns and rows of text, likely a ledger or record book. The text is faint and difficult to read.



Large area of text on the right page, mostly illegible due to fading and bleed-through from the reverse side.



恬堂詩文鈔卷四

三河 秋山彝 著

男 文 校

大正 6.11 內交

春井冬日幽居

世路崎嶇步亦艱。孤蹤且寄小柴關。壁間古畫壺中

酒。門外清泉屋後山。所見村村都景勝。無營日日只

幽間。奇緣卽遇塵標友。雪樹枝頭鶴往還。

秋夜樓上

夜涼如水溢簾鉤。醉後暫留月裡樓。風露浮空塵已

滅。宛然與世劃鴻溝。

飲友人別莊

來尋村外故人莊。碧草銀鱸薦酒觴。水是在前山在後。人間世界小仙鄉。

廢園

奇花珍石信遷移。富貴真成夢一時。落日淒風人不見。假山草滿鳥聲悲。

諸葛武侯圖

臥龍初起會風雲。羽扇綸巾去統軍。攘賊壯圖開八陣。報君基業定三分。隕星空灑英雄淚。上表長留天

靜逸曰此等
之傑作當今
詩人所罕見

地文。管樂比才公謙讓。古今忠勇自超群。

鷺塚渡

枯葭殘柳不勝秋。風色荒涼野渡頭。一雁落沙人已去。夕陽堤外水間流。

秋夕

簷樹結霜秋氣清。夜雲無影月孤明。一村砧杵一樓笛。并作人間腸斷聲。

山家看菊

盆大花連豆小花。露中霜底趣尤嘉。瓊壇受養非君願。甘在山村寂寞家。

靜堂曰愴然

書感

大夢場中鬢欲斑。奔衣走食跡難間。半生辜負烟霞約。空覓他年埋骨山。

飲中八仙圖

麴蘖逃身身亦全。世機何到酒杯邊。獨醒人葬鮫魚腹。不若唐家八醉仙。

春閨怨

亂却綠雲愁就眠。塵生妝閣鏡華邊。分明一夜鴛鴦夢。纔聽曉鶯還隔天。

仙山春色圖

湖山曰憂憤
語不知者以
為佳誠

金銀閣映碧桃花。世外春光自靜嘉。應是群仙滄未盡。滿峰長簇爛斑霞。

立秋書感

素心乖却俗紛中。五斗平生腰若弓。齡齒日加愁日益。蕭騷鬢髮又秋風。

客恨

長鋏短衣俱夙緣。都門又滯漲塵邊。胸中萬纍艱難世。顛上二毛遲暮年。客夢遙迢迷夜月。飛光荏苒到秋天。雲山霧水家千里。回首西方淚若泉。

江戶客中贈鷺津文郁

靜堂曰幾多
感慨在言外

一別關山已十霜。共逢人世幾滄桑。銷磨豪氣重相見。說到風波即斷腸。

老將

殺盡羌胡兵數千。老來猛氣尚依然。牀頭夜夜讀韜畧。夢到秋風塞北天。

舟中坐月

白月碎成銀樣波。滿溪秋色夜如何。不知身跡在人世家。是扁舟友素娥。

秋日散行

山色分明水色澄。愛幽閑客步無朋。悲風落木秋天

弘菴曰佳作

靜逸曰墨水
景色宛然在
目使人有同
遊之想

暮。一路迂尋谿上僧。

墨水舟興

也泛瓜皮趁晚昏。胸襟聊足滌塵煩。長川日落橋無影。叢葦風生波有痕。近岸紅燈華麗境。遊船醉客太平恩。江都隨一高名地。不厭興來傾幾樽。

淵明歸隱圖

歸來解綬臥衡門。清節長同日月存。江左戰塵吹不污。依然松菊舊田園。

五鼓起坐待旦

蕭颯風振屋角松。透窓嚴氣識霜濃。殘宵五擊城頭

鼓落月數聲。山外鐘。去夢難尋。神且亂。多愁相結。歲空重。孤吟坐待東天白。寒燭生花。欲剪慵。

美人獨坐圖

雲鬢慵梳。綠欲垂。嬌無氣力。獨居時。如思如慕。又如怨。不識心情屬阿誰。

中秋懷家

節至中秋未得還。羈窓酒醒淚潛潛。忍看今夜一輪月。出自家鄉萬里山。

歲晚雜感。塾席上分韻得覃

吁余亦人子。賦性何愚憨。總角殊碌碌。鄉里動嘲吟。

湖山曰真情
真詩

菽麥不能辨。芋栗唯是貪。從獸走草野。獵魚到江潭。漸長事薄倖。遊鄉徧討探。玉杯青樓酒。銀鞍紫陌驂。折來花灼灼。穿過柳毵毵。一興傾囊錢。聲色是荒耽。墳籍束高閣。聖言豈復甘。哀哀父母心。尙願爲奇男。夏楚嚴教誨。晨夕勸喃喃。一旦狂夢覺。乃與青衿參。琢磨螢雪業。負笈遊東南。詩文憂不進。經傳歎難諳。偶交文雅席。縮首不能談。慚汗濡背脊。滿面徒赧醜。師心憐駑駘。教諭極廣覃。至誠徹肺肝。此恩深於嶮。豈特是而已。君澤江海涵。賴免凍餓厄。豈無素餐慚。君父之與師。古人死在三。大哉報酬義。淺學非所堪。

是故磨精力。以至歲月酣。
東都寄懷坪井信友在浪華
膠漆爲交情不疎。何圖忽作隔天居。墨堤吟策鳧川
艇。余每憶君君憶余。

自行德舟行至江戶

水霧晴無跡。曉光次第生。篙師且遙指。咄咄見江城。

小金原

眼界無山開四望。連空草色碧蒼茫。行行數里人家
遠。野馬嘶風立夕陽。

書懷

湖山曰同病
歎相憐一唱三

短髮蕭騷日欲西。心中百事盡乖睽。長虹一氣何由
吐。到底此身羸角羸。

將遊于東都與親戚別

官遊身豈厭遐方。穀且于差成旅裝。闔族送來無別
語。唯言衣錦早還鄉。

寒江釣魚圖

疊疊寒波漾釣緝。熊熊無夢奈閑身。枯葭亂荻滿江
雪。一艇空爲畫裏人。

白露爲霜

風吹旅雁夜沈沈。露欲爲霜秋漸深。誰婦應成禦冬

備。滿城明月急寒砧。

萍

朝浮北岸暮南涯。波際飄搖風起時。愛汝處身無固必。平生與物共推移。

余在東都欲爲鴻臺之遊。及期有脚疾不果。因

書感

漫遊余夙癖。遠邇意所之。一自來東武。探勝無險夷。有客時訪我。爲談鴻臺奇。水疑隨趾足。山似接睫眉。其言實清爽。快風起書帷。聞之如飢渴。何以禁吾思。連日天方霽。秋氣蔽四陲。奈何緩風疾。愆此遊覽期。

湖山日詩亦清爽

困臥孤窓下。摩脚自怨咨。半夜神纔定。一夢向東馳。

偶題

半世吾爲蜀道行。偶觀品物又傷情。灑園風勁危花命。起地雲頑妨月明。百事媒愁壯志折。孤身守拙謗言生。葵心一片無人識。獨自終朝向日傾。

燈下拭劍

水鉞映燭冷生顏。拂拭凝眸豈等閑。宇內塵沈三百歲。此中猶有幾潛姦。

小窓對客

簾外已收斜日紅。碧梧浮露滴微風。貧中交誼不須

饗。一味清涼與客同。

步近郊

偶携吟竹換吟儔。正是中天寥廓秋。轉步溫涼宜四體。舉頭遐邇入雙眸。西風野稻黃雲動。晚日山楓紅靄浮。好置閑身塵務外。一瓢村酒小風流。

寒江獨釣

殘日留光照雪巒。時登小艇泛清瀾。塵凡界遠江千頃。名利情輕竹一竿。心已忘魚唯愛景。身因載酒不嫌寒。靜娛人世有如此。深信嚴陵老釣灘。

長圓寺山眺望

弘菴曰後聯甚佳

欲馳吟思試躋攀。遙矚烟霞濃淡間。彼若蟠蛇此奔馬。奇哉尾勢二州山。

仲春登雲母山

不着芒鞋不挈筇。離城數里上山峰。百般塵慮因詩去。四顧晴光與酒濃。菜麥繡田霞外色。杏桃嬌野雨餘容。幾回能值春遊樂。眷戀忘歸到暮鐘。

梅鶴高士圖

澶州酣戰鼙鼓喧。瘦鶴夢穩小籠樊。泰山封禪草木斃。玉梅花開舊庭園。湖山紫映湖水碧。雲霞流彩春脉脉。中有茅宇占勝區。結構奇異非凡宅。世上囂埃

湖山曰清秀高雅卷中第一

不來侵。依然仙葩與仙禽。人耶仙耶住此者。人中仙者。姓是林。

左中將

勢蹙巨魁將就擒。百年機會在如今。君王誤有名花賜。蕩却英雄鐵石心。

種竹

草樹多多裡。吾唯愛此君。數竿先試種。三徑未相分。逸響聞瑤瑟。清陰看碧雲。琅玕何厭少。猶足隔塵氛。

過殿山有感

陵谷桑滄夢一場。東風立馬淚沾裳。名花啼鳥今安

在。瓊旃靡然飄艷陽。

初夏書適

植物隨時節。生榮各可稱。新青園裡筍。嫩紫架間藤。長日詩三昧。閑身飲上乘。襟懷唯在適。世路嶮難勝。夫殘篇遺籍存于今日者。聖賢之遺訓。天文地理顯于千古者。聖賢之教源。故斯道也。不獨求諸竹帛。然後得之也。求諸乾坤。亦可以得也。吾琢玉之餘暇。俯仰兩間。靜觀諸類。頗如有見斯道焉。即賦四首以言其端云。

浩氣磅礴中。存此生物理。恩風煽微和。草樹皆欣喜。

名愛以爲仁。達哉朱夫子。
渺茫天地間。萬事有正路。辨之豈待賢。俯仰即可悟。
山雲隨風行。川水向海注。
三百又三千。胡爲夥且廣。秩焉山河分。粲然星辰朗。
欲究經緯源。請看天壤象。
大虛元不虛。真有似橐籥。都從一氣中。萬物咸振作。
造化手段妙。先聖取知畧。

晚春書事

積雨乾時綠正肥。天風吹暖入簾帷。繁華夢盡逢春
晚。感歎情深惜夕暉。和靖萬梅花已謝。淵明五柳絮

鈴木松塘曰
余有此題之
短古一篇徒
費多言今讀
此詩簡潔雋
妙不覺自失
矣不靜逸曰
真之妙絕爲
壓卷妙湖山
曰感服感服

將飛。如今追想曾遊趣。滴酒痕香舊袷衣。

源判官過安宅關圖

棣萼情衰燃豆箕。英雄末路事堪悲。關門枉受僕夫
杖。不似西溟鏖戰時。

送春

安借魯戈回日車。匆匆節物供咨嗟。淡陰牆外迷飛
蝶。薄暮林中亂落花。東帝今將登祖席。情人誰不惜
韶華。詩篇未償三春債。已見天風吹葉斜。

詠瓶中梅花

一朵携歸小筆門。瓶中勺水托孤魂。尙成溪壑幽栖

趣不待雨風涵養恩。淡淡影橫床上幅。芬芬香動席
間樽。花頭縱有塵飛到。姑射仙客依舊存。

題運甃圖

典午搢紳多白望。老誕莊虛爲俗尙。綱常頽兮親如
狼。禍起蕭牆孰能障。投隙戎虜勢蔓延。遂使山河墜
腥膻。嘗膽坐薪人尤少。徒保江左一隅天。風節獨見
陶大尉。七尺躬軀都義氣。誓與大雠不戴天。夙夜奮
厲志敵愾。勇略智謀拔時流。一揮百萬驅貔貅。鯨鯢
虓魄跡已遠。威風動地捲八州。孰言上游徒跋扈。中
原不能復尺土。是捨其心就其蹤。世論掩人同今古。

湖山曰意氣
雄壯詩與題
靜逸曰起得
有力

靜逸曰劈空
說下筆勢天
嬌可以見良
工苦心

君不見砥柱屹立頽波中。鼓動一世烈士風。曾舉忠
勤比諸葛。梅公識鑑獨精通。即知運甃非兒戲。千載
卓爾英雄志。

詠龜

甲蟲之長石爲腸。背上分明陰與陽。怪汝神機察幽
隱。元來不解護身方。

藺相如奉璧圖

決然獨奉使。十五都城約果違。毛髮衝冠眼睨柱。虎
狼秦人避嚴威。希世人希世寶。能獻之來能奪歸。吁
嗟英雄一發怒。功名千載明於璧。

弘庵曰新趣
向

雨景圖

風送春雲細雨飛。山姿水態兩依稀。淡生涯裏閒忙別。漁父初行樵者歸。

閑適

散官宜養拙。百事不關心。微醉花朝酒。幽音月夜琴。人情雲又雨。世態古猶今。我獨安吾適。殊知興味深。

北窓閑詠

一枕黑甜聊養神。清風恰掃滿衣塵。青天白日北窓底。夢伴柴桑隱逸人。

偶題

螢雪悠悠四十秋。平常心志未能酬。人間毀譽蚊鳴耳。身上浮沈霜滿頭。飛蝶安同莊老夢。積薪徒抱賈生憂。何如天地高寬裡。一介窮蹤似楚囚。

夏日閑居

有口時學啞。不語紛紛情。有耳時做聾。不聞擾擾聲。天飈觸新竹。音響憂玉清。愛之思相和。擁鼻吟軒楹。

夏日閑吟

雨歇庭園淨。薰風來自南。閑中無一事。剪竹徑開三。興來下階步。幽靜興何堪。庭樹張翠幄。池水浮碧藍。咫尺娛樂足。遠勝不須探。村醪無嫌薄。獨酌傾一壺。

湖山曰四句
不愧古人
靜逸曰善把
得弘庵翁風
趣者入之春
雨樓集誰能
辨山曰獨字
應百為妙

笑它青紫客。名利事狼貪。雲梯一失足。竟招終身慙。
好吾園中樂。聊比濯纓庵。自鋤又自種。藜藿當脆甘。
人誰知此趣。相語笑狂慙。前山獨知己。心中百可談。

秋山問奇圖

一桁紫嵐秋霽山。蟠蛇成路石泉間。閑身跡是鬧身
跡。薄暮問奇人未還。

春雨訪友圖

笠屐午山中。溪風吹細雨。春泥滑阻人。迂路叩巖戶。

題夏日山居圖

樹巖多處有茅簷。此際應忘三伏炎。當牖懸泉數條

下。玲瓏樣作水晶簾。

春溪泛舟

乘春閑棹破玻璃。水鑿山根東又西。翠點米家描樣
樹。奇饒柳子記中谿。巖崖壓首天容小。花霧遮眸舟
路迷。凡客一來心有耻。漫將塵跡汗仙樓。

樓上雨齊

亂雨全收玉宇澂。危樓放眼晚相憑。殘陽光映前山
面。亞字欄頭紫一層。

偶題

讀書漫做古人髻。道若望洋難認真。身立兩間三十

湖山曰琢句
秀清可喜

靜逸曰如讀
山陽翁山紫
水明處圖卷

歲。徒爲夢死醉生民。

寒夜獨覺

寒威逼枕半宵風。臥伴幽燈一點紅。憂自生前至身後。紛紛都是不眠中。

雪山旅行圖

雲擁群峰雪作堆。羸驂蹄滑踏崔嵬。苦辛如此豈言甚。曾慣崎嶇世路來。

新寒

玄冥此夜始揚威。風動晴霄霜欲飛。十月未裁禦冬服。添來一領舊鶉衣。

湖山日化腐作新

靜逸日冷句収妙

首夏幽居作二首

溪頭結屋了清緣。午景深沈首夏天。嫩竹新添三徑趣。幽禽時喚一肱眠。豈唯踪跡無塵垢。可識膏肓在石泉。今日不愁生計薄。囊中幸有買山錢。
薰風吹樹綠初肥。蕭洒林中小板扉。頽壁常從蒼蘚蝕。幽簷時被白雲圍。人間至樂唯閑適。世上紛譁幾是非。獨與青山爲莫逆。適然相對忘心機。

秋夜泊舟

幾叢寒葦隕霜凝。夜向三更月欲昇。漁笛添愁風慘慘。羈舟載夢浪層層。天涯鴻爪栖難定。海底龍宮來

偶登無限水雲茫。渺裡篷窗獨伴一蟬燈。

十月梅花

孤標何伴雪。潔骨不渾塵。泉石幽清地。一開占小春。

歲晚書懷

卅年身跡幾沈升。只覺憂懷日月增。書上漆膠千古友。眼前榮辱一宵燈。歲華何駐流如水。生計自憐淡似僧。休道窮途迷到處。堪輿甚大載無能。

桃林放牛圖

革車塵滅穩南薰。林野安閑睡夕曛。未識七雄爭戰日。炎炎尾火走燕軍。

靜逸曰健絕

湖山曰真是
長安詩

長安早春草堂課題

政治唐虞化。于今幾百春。白浮雉尾雪。紅漲馬蹄塵。
冠珮連千隊。管絃湧四隣。稠人歌既醉。萬物屬維新。
只使群情樂。曷須奇瑞臻。坐知民竈富。烟合暗城闐。
暮春病中書感
愁裡人間鬢易絲。唯須把酒對芳時。今春臥病過旬日。幾處風花早謝枝。

春日城外散策

村村李白又桃紅。酒旆時飄淡蕩風。幸爲疎才乖世用。尋春深入醉鄉中。

靜逸曰孝子
之言使讀者
感起

懷鄉

鞿魂一日豈忘鄉。回首秋風剪斷腸。遙想阿爺相思
淚。綴爲髭上幾莖霜。

柳塘聞鶯

柳連邃塢弄春和。吟屐徐徐載酒過。城市喧然絲竹
耳。移從靜境聽鶯歌。

早春遣興

梅返芳魂月下軒。鳥歌新曲雨中園。三春興致從今
始。天使閑人倒幾樽。

田間柳

長條無復繫華驂。隔斷紅塵立兩三。烟雨連田春意
靜。農蓑相伴綠氍毹。

八幡公過勿來關圖

懸軍日夜逼蠻城。幾隊豕蛇避旆旌。關戶無兵春不
鑰。馬蹄徐蹋落紅行。

春窓讀書

花連萬玉麗春暉。窓底披書捲翠幃。讀至南華夢中
處。無情蝴蝶繞階飛。

春夜喜雨

夜帳無端些暖生。懷春人是最多情。似傳紅紫閒消

息。滿巷蕭蕭。惹雨聲。

送負舟粟生兄之東武

又驅郵馬向東城。兩歲於君三送迎。憂喜乍遷如短夢。合離無定是浮生。旅窓春雨寒消醉。征路風塵擾痛情。事業此間知自誓。一鄉刮目錦衣榮。

偶成

偶坐無言深感時。春風吹亂鬢邊絲。前園映眼花千樹。三復小陵灑淚詩。

產男書感

偶產儒門非好因。龍鍾識汝百年身。世閒多少紫金

者。不是雪窓稽古人。

寄懷梅澤敬卿在東都

東台杖屐墨陀舟。麗巷華鄉春又秋。客枕一場殘夜夢。憶無雲母小曾遊。

雲母者城外小山名

遊近郊花已謝

吟行理杖雨晴餘。紫魄紅魂已忽諸。蛙鼓聲中烟漠漠。一蹊草露濕人裾。

川中島烈戰圖

同世孫吳爲敵讎。奇正盡秘互相謀。龍蛇影暗連天霧。金鼓聲寒滿島秋。團扇支刀軍僅保。長槍縱馬戰

靜逸曰筆筆
見工力
松塘曰二十
年前余遊津
城訪拙堂藤
翁錄此題
之短古以見
贈今尚存行
篋中此詩精
工比諸翁之
詩則覺踰幾
等矣

初休。何圖功業歸莊子。兩處畢生爭一牛。

竹徑避暑

火輪光隔翠千堆。人跡纔通細徑開。敢做晉賢唐逸趣。尋常一樣趁涼來。

豐太閣裂明封冊圖

寸裂封書意氣雄。激雷聲震夏夷中。黃泉路上如相遇。鹿苑公慚猿面公。

楠公訣兒圖

毒焰重侵畿甸中。一身今日芥塵同。憂君不特生前事。更囑小楠支北風。

中秋

又值中秋歎此身。半生蹤跡落風塵。雲開今夜天清絕。無缺月臨多缺人。

聞蟲聲有感

愁人欹枕睡難成。簷月簾風夜幾更。四壁寒蛩聲不斷。鬢邊霜自此中生。

壬戌除夕

菲才漫下董家帷。獨向鏡中驚鬢絲。深愧文章蛇畫足。何期竹帛豹留皮。瞬間天地勞形影。物外雲林費夢思。一事無成年又盡。自甘後進幾嘲嗤。

靜堂曰詩亦清絕

靜逸曰層層生感

湖山曰前聯佳對

湖山曰傑作
傑作
靜逸曰結末
鳴咽不已

經函避寇圖

衲衣換戎衣。憤然舉錦旂。一戰失利援軍絕。潛匿函
底脫禍機。困頓不屈英雄志。誓使天日再赫輝。嗚呼
建武逆浪重四溢。王之運與國運塞。其奈終始薄命
甚。僅出經函入土室。

晚秋山家

落木秋山裡。茅茨三兩家。檐端雲影淡。壁際夕曛斜。
門只聞溪語。園宜觀菊花。烟霞吾宿癖。羨此好生涯。

蓮池納涼

菡萏池邊沒夕陽。欲驅炎暑步橫塘。萬花留月白如

雪。領得吟軀一段涼。

新秋夜坐

槭槭風聲早報秋。天邊大火向西流。鳴金曾入歐公
賦。彩扇且牽斑氏愁。吟簾客歸蟲在壁。晴空雁喚月
當樓。清涼適體何成睡。一面蝦鬚半上鉤。

小杜停車圖

揚州夢覺鬢絲風。不復春遊訪紫紅。一路寒山秋欲
老。車頭晚日看霜楓。

杪秋獨坐

百般心裏事。獨坐與誰談。益友思三樂。淳風欽二南。

弘庵曰有餘
味

滿胸遲暮嘆。終世素餐慙。荏苒秋斯老。半宵情不堪。
三樹坡有懷山陽先生

滿腹經綸百代望。想人傷世意偏長。英魂一片歸何處。山紫水明空夕陽。

擁爐

連日送寒風雪頻。擁爐小室待陽春。求溫計是偷閒計。自異世間趨熱人。

登筑波

高峰削立氣形雄。密樹中分一徑通。鐵鎖繩人踰阻隘。芒鞋階石上虛空。八州天地歸孤掌。萬壑雲烟供

湖山曰可謂妙計矣

兩瞳。舉世相傳元慶詠。豈唯奇勝冠江東。

題雜畫

怪木垂枝壓石砭。雲蘿窈窕澗淙淙。一山風物誰常主。白首白衣人倚窓。

幽栖有約夢空牽。跡托凡鄉三十年。畫裡初逢佳勝境。滿山奇樹滿溪烟。

舟中避暑

瓜皮時一棹。泛泛趁斜暉。積水波澄映。叢蘆露亂飛。元非嫌世累。只欲避炎威。剩有天然冷。齊紈不用揮。

雪中晚渡圖

弘菴曰絕佳

靜逸曰詩中有畫

銀異中分碧一川。折蘆聲響晚來天。前頭船埠已埋沒。此去寒篙向那邊。

樓居

構得危樓避市塵。一欄相對古松筠。晝間宜雪夜宜月。世外心忘世裏身。

雪景

一看無處不輝光。列峙銀臺又玉堂。造化小兒何詭術。轉旋人界作仙鄉。

過霞湖二律

汗漫行李去忘還。經過霞湖第一灣。鞋底淺沙南北

湖山曰客裡甚七字佳甚妙

靜逸曰前聯佳絕妙絕

路。笠簷斜日紫青山。人寰尙覺乾坤別。客裡初逢心跡閒。渡了石橋將請宿。隔林漁舍兩三間。

霞浦風光關左稱。討探今日興將騰。陸迂船捷灣千曲。晝近暮遙山幾層。幽靜蹤從鷗鷺境。汗漫身比水雲僧。一枝擔上閑詩筆。卽是遊中好友朋。

九日藩公命諸臣觀菊於園中

不向春風競艷華。寒霜堆裡數枝斜。名園九日陪吟者。晚節誰能比此花。

杪秋夜坐

雲際哀鴻草際蟲。觸來寒枕夢魂空。浮沈三十餘年

靜逸曰唐人得意之句調

事。現出孤燈明滅中。

秋蝶

紫紅茫作夢。衰羽恨殘生。尚有貪香意。認來籬菊英。
兄弟嬰祇役于東都。頃得驛書。有兩鬢見二毛
之語。讀之愁然。賦絕句答之。

世路多岐同古今。郵籤一讀感何禁。數莖毛髮鏡中
雪。照見阿兄憂國心。

平經正彈琵琶圖

侈靡風成武柄傾。闔門空棄舊金城。當時禍本君何
悟。奉返琵琶惜艷聲。

秋夜枕上

孤牀撫枕著眠難。到耳蟲聲知夜闌。屋角碧梧秋始
減。斜蟾洩影上窓欄。

夜泊

萬里長江泊一航。家山望斷水蒼茫。篷窓月落天將
曉。徹骨洲風吹送霜。

題掛壁畫幅

坐臥清娛足。幽高不待攀。雲烟繞眉宇。一幅壁間山。
初冬夜半不寐起坐東窓下

瘦骨寒侵夢忽驚。小窓吹火待天明。流霜和月一空

靜堂曰語近
而意深

白。嘹唳叫過鴻幾聲。

過桶峽古戰場

山勢西南開。映帶蒼海汐。殘日漾雲濤。悲風激松柏。
吾來偶躋攀。憶起永錄役。駿侯軍此間。恃勝氣焰赫。
猛雨翳山昏。不虞敵軍迫。一敗塗肝腦。霸略忽冰釋。
烏免去不回。經歲已三百。當時熱血痕。化爲山草碧。
勝敗無常機。興亡有變易。又聞安土公。奇禍起肘腋。
古來干戈際。仇讎互伺隙。可歎兩英雄。總疎備身策。

庚午元旦

風流別有我家儀。不復團欒把壽卮。睡起東窓先喚

靜逸曰筆勢
健快可謂詩
中史

筆題來一首咏梅詩。

春日出遊

可體袷衣春恰中。偶携韻侶步城東。清香薰徹野塘
草。一路吹來駘蕩風。

梅溪棹月圖

巖根屈曲水回縈。中有萬梅凝玉英。春月一灣明似
畫。棹穿香霧自由行。

春夜

春樹花清積雨晴。隔烟微月影朧明。誰家有解風流
客。半夜倚樓吹玉笙。

靜堂曰句句
極妙

送小野田生之越前

北向又爲羈旅人。休愁一旦別鄉親。某村某巷多相識。萬里天涯如比隣。

春遊晚歸

春山行徧到斜暉。時聽華鯨出翠微。一醉猶留餘興在。梅花溪上買舟歸。

山行求宿

一帶山間路。烟蘿晚照幽。欲投溪畔寺。負杖伴歸牛。

水亭觀螢

水榭掀簾雨恰晴。貪觀螢火坐三更。他宵恨是今宵

湖山曰淡中有味

喜。月沒殘雲不洩明。

晚春書感

衣飯營營勞殺人。幾年心事了無因。落花飛絮風簷晚。又是一回相別春。

山居

結家巖石際。忘却世間榮。心靜評茶品。病多知藥石。岸花春暖馥。溪雨夜清聲。偶讀床頭易。了然天地情。

不識菴望月圖

英雄胸裡亦風騷。橫槩軍營染兔毫。廿八唾珠霜氣爽。聲名遂與越山高。

午睡

午風生簟席。可以爽胸肝。塵網不纏夢。一肱天地寬。

新羅三郎足柄山吹笙圖

天心不照鵝鴿心。萬里拋官度峻岑。一曲何唯傳秘訣。滿胸憂憤托餘音。

幽居圖

環堵蕭然林樾間。溪雲壑霧與心間。案頭殘帙未收盡。斜照窓前起看山。

新梧清晝

壓屋高梧展翠新。午陰濃處適吟身。豈知秋半風霜

湖山曰新穎
靜逸曰末句
別出一意更
妙

夜。葉葉飄階愁殺人。

雁

嚴霜肅肅半空盈。賓雁南飛風翻輕。嶺外晴雲秋萬里。海頭孤月夜三更。往來常識寒溫候。唱和相親伴侶情。漂泊天涯何有恨。白蘋紅蓼寄幽生。

偶題

鞘中雙黑蜮。每作不平鳴。咫尺海門內。鯨鯢時橫行。

蠶婦詞

夙摘桑芽五畝春。養蠶身是甚寒辛。平生細帛煖溫事。却在城中逸樂人。

靜逸曰悲壯

喜雨

傾盆快雨澤相均。今日龍祠覺有神。禾黍一時增氣色。田頭閑却桔槔輪。

小田原有懷北條氏

總攬心諳韜略文。羈身創業自超群。八州馳突豺狼窟。五葉連傳弓箭勳。末路老姦專大柄。當年宗社隕西軍。地形依舊家名異。長使英雄想早雲。

秋成

馱馬運車爭路忙。田田穀熟欲登場。農人未說豐穰事。昔歲逋租今歲償。

舍北搖落景物殊佳

風吹枯葉墮霜晨。林樹初疎天小春。最是景光奇絕處。北郊山已露全身。

白河夜遊圖

脫來龍袞到祇園。夜色帝心同暗昏。捕怪寵臣何足賞。當年有鬼出渠門。

三顧草廬圖

隴畝揮鋤若揮鉞。除草又擬除大凶。梁父吟中氣磊落。天下形勢蘊心胸。漢火無焰天日黑。四海何處不鬼蜮。王室胄裔大耳公。銳意中興思羽翼。枉駕三顧

靜堂曰議論
力風發何等筆

靜逸曰結得妙

披荆榛。一話君臣水魚親。傅巖役夫涓濱老。漢家今日有斯人。決然誓創三分業。富國強兵共有法。自是勢威壓四隣。孫曹焉得恃堅甲。君不聞荒廢是命屬。彼蒼歎息雄略不可常。五丈原頭慘雲暗。天上將星墮無光。

初夏

半春塵務半春痾。落紫飄紅恨奈何。欲逐綠陰舒屨受。滿郊零雨又滂沱。

貴妃櫻

光彩生門彼一時。芳魂今日寄寒枝。東風紅滴春宵

雨。想像當年血淚姿。

春日墨河舟行

墨水迢迢麗晚晴。花迎柳送一船輕。天風不動波心靜。人在琉璃盤底行。

移花值小雨

新鋤園土闢花叢。疎密栽成紫與紅。時值朝來微雨濕。優過灌溉幾多功。

小金原大獵圖

慶長群雄似虎狼。分噬七道勢猖狂。偉人一起手。弓矢擒虎獲狼清。四荒江都霸業從是盛。威風拂拂三

靜堂曰通篇
雄偉一唱三
歎

百霜。天下兵器藏篋笥。黎庶歎樂頌至治。豈圖世風
漸驕奢。靡然日失士民志。廟堂有人慮遠明。深憂祖
武至荒墜。原頭乃勒講武軍。戈戟旌旆紛如雲。欲將
聲勢鼓士氣。其意豈特在毛群。獨怪昇平牌肉士。僅
獲狐兔爲奇勳。

竹

蕭疎三兩竿。天質淨如拭。風裏玉清音。曉來雲碧色。

蘭

培植小園中。凡花安得伍。未忘丘壑情。香向石間吐。

梅

弘菴曰詠物
三首巧緻

牆角一枝枝。寒葩開皜潔。風來郁有香。初識是非雪。

芳山踏雪圖

貝錦言成罪掩功。西奔東竄奈窮途。阿兄方鬪姬方
戀。人在芳山風雪中。

送高橋兄之東都

兄善國歌

行李初成向武關。國詩吟就勝區間。風情最慕赤人
興。田子浦頭看富山。

送筒井元卿之東都

元卿少時在東都

一去都門四十年。此行知子意悽然。妙齡竹馬戲遊
伴。應看繁霜上鬢邊。

送高橋生之東都

雲天千里太平春。碧水青山入眼新。馬上按詩輿喚酒。悠然不似遠征人。

送水埜生之東都

吾亦江城曾久遊。詠花吟月幾風流。送君今日陽和節。想落墨田川上舟。

鍾馗

有鬼楊是姓。百媚生雙蛾。進士雖勇武。隻手奈渠何。知他多遺恨。纔捉夢中魔。

東京客中夜雨懷鄉二首

湖山曰能言
不意中事不得
不批

無窮心事與誰論。自識鬢華次第繁。鴻爪三年痕不定。東京夜雨又銷魂。

來寄萍蹤天一涯。寸心何事亂於絲。簷聲斷破家山夢。殘夜寒燈明滅時。

春川釣魚圖

淺碧新添昨雨痕。釣魚誰子泛潺湲。涯林收響春漪靜。山靄流光午氣溫。機外一竿真渭水。花邊孤艇卽仙源。不知城市營營事。十丈紅塵撲面翻。

梅柳爭春

瓊葩碧葉滿城新。爭逐繁華一夢春。應愧澗松溪竹

操。四時無改舊風神。

季札掛劍圖

一信銘心竟不泯。芙蓉脫與九泉神。世風當日漸頹敗。斯道還存短髮人。

大尾

丙寅重陽後一日燈下閱了貴稿追憶都門舊

遊因賦一絕以呈

弘老之門才俊足憶曾朝晚共吟筵往還依舊唯君在細閱新編知黯然


湖山生長愿拜

湖山評點一一確當而集中珠玉不能拾盡乃有遺珠方収之加一二妄批多罪多罪

丙寅復月廿又二日夜

靜逸山中獻

159
4
132



大正八年六月

恬堂詩文鈔印刷ヲ三河國碧海郡刈谷町余
活版所ニ托ス該場活字豐富職工精練其ノ
事ヲ執ル迅速專懇切ヲ旨トセラル蓋其特
色ナラン僅僅三十有餘日ニシテ成ル余欣
喜ニ堪ヘズ感スル所ヲ陳テ其勞ヲ謝ス
大正八年五月
松南——秋山文誌

印刷者 田中啓三郎
印刷所 余活版所
愛知縣三河國碧海郡刈谷町大字刈谷字下町三番地

答謝詩章一也
是良亦以諸君大五小乎此其難測之
事如謝無河豈謂精文辭之其即判燈
蕭之陳輝而精文燈多破誤河錯開鑑初
蕭王父精文全業而大亦河如矣夫良家
願冬矣難然幸父難規云爾于知人必精
世意於謝謝如干精文如干言備河發流
奉受其德風賦禮王之志當事本好和
...

159
4
132



大正八年六月一日印刷
大正八年六月十日發行

(非賣品)

著者 故 秋山二郎

編輯兼發行者 秋山文吉

印刷者 田中啓三郎

印刷所 愛知縣三河國碧海郡刈谷町大字刈谷字下町三番地
余活版所

答謝辭章一出

大正八年正月 慈南 慈山文誌
喜ニ據ヘ又廻スハ廻ニ刺テ其後ニ據ス
西ナミニ對對三十百餘日ニヒテ知ハ余類
事ニ轉ハ及後專機時ニ言イテハ蓋其機
帝魂魂ニ升テ慈惠慈幸豐富輝工辭難其
計堂精文煥明歸ニ三河國碧海郡刈谷町余

